


陽春白雪
附外集
三



陽 春 白 雪

附 外 集

(三)

趙 聞 禮 選

叢書集成初編

(補印本)

陽

春

白

雪

附

外

集

三

冊

一九四〇年六月初版

一九五九年十月補印

趙

聞

禮

選

商務印書館出版

上海大東集成聯合印刷廠印刷

陽春白雪卷第七

憶舊遊慢

賦東湖荷花再用方時父韻

趙虛齋

望紅蕖影裏。冉冉斜陽。十里隄平。喚起江湖夢。向沙鷗住處。細說前盟。水鄉六月無暑。寒玉散清冰。笑老去。心情也。將醉眼。鎮爲花青。亭亭步明鏡。似月浸華清。人在秋庭。照夜銀河落。想粉香溼露。恩澤初承。十洲縹緲何許。風引綵舟行。尙憶得。西施。餘情裊裊烟水汀。

霓裳中序第一 末利詠

尹梅津

青鬢粲素靨。海國仙人偏耐熱。餐盡風香露屑。便萬里凌空。肯憑蓮葉。盈盈步月。悄似憐、輕去瑤闕。人何在。憶渠癡小。點點愛輕颺。愁絕。舊遊輕別。忍重看、瑣香金篋。淒涼清夜簾席。杳杳詩魂。眞化風蝶。冷香清到骨。夢十里。梅花霽雪。歸來也。慊慊心事。自共素娥說。按絕妙好

詞餐盡上增早字輕擬作清絕與換頭短韻
疊簾席作簾第杳杳上增怕字風蝶作蜂蝶

花心動得於江西歌者而不知名氏

粉堞雲齊度清笳。愁入暮烟林杪。素豔透春。玉骨淒涼。句帶月痕生早。江天蒼莽。黃昏後。依然是。粉寒香瘦。動追感。西園嫩約。夜深人悄。記得東風窈窕。曾夜踏橫斜。醉攜嬌小。惆悵舊歡。回首俱非。忍看綠牋紅豆。香銷紙帳。人孤寢。相思恨。花還知否。夢回處。霜飛翠樓已曉。

前後段六七句另押他韻與史邦卿周清真吳夢窗趙處齊諸詞不同另是一體

江城梅花引

比世傳本差異而不知名氏見程垓書舟詞

娟娟霜月冷侵門。怕黃昏。早黃昏。手撚梅花。無語對芳尊。酒又不禁愁未醒。斷魂遠。一更更。更斷魂。斷魂斷魂空斷魂。被兒裏。香半溫。睡也睡也。睡不穩。誰與溫存。惟有窗前。殘燭照啼痕。秋夜不眠聽畫角。人瘦也。比梅花。瘦幾分。

又

使北時和
李漢老

洪忠宣公

去年湖上雪欺梅。月飛來。片雲開。雪月光中，無處認樓臺。今歲梅開依舊雪。人如月。對花笑。還有誰。一枝兩枝三四蕊。想西湖。今帝里。綵牋爛綺。孤山外。目斷雲飛。坐久花寒。香露溼人衣。誰作叫雲橫短玉。三弄徹。對東風。和淚吹。

洪皓詞三聲叶韻者每首有一笑字名四笑江梅引

又

無名氏

對花時節不曾忺。見花殘。任花殘。小約簾櫳。一面受春寒。題破玉牋雙喜鵲。香燼冷。遶銀屏。渾是山。待眠未眠事萬千。也問天。也恨天。髻兒半偏。繡裙兒。寬了還寬。自取紅氍。重坐暖金船。惟有月知君去處。今夜月。照秦樓。第幾閒。

此趙汝芻詞

又

趙蘊菴

單口寒引畫龍聲。雨初晴。月微明。竹外溪邊。低見一枝橫。澹月疎花

三四點。尙春淺。早相看。似有情。夜來袖冷暗香凝。恨半銷。酒半醒。
靚妝照影。未忺整。雪豔冰清。只恐不禁愁絕。易飄零。待得南樓三弄
徹。君試看。比從前。更瘦生。此亦三聲叶韻。

蘭陵王

陳抑齋

角聲切。何處梅梢弄雪。還鄉夢。玉井樓前。千朵芙蓉插空碧。鄰翁問
消息。爲說紅塵倦客。應憐笑。弓劍旌旗。底事留人未歸得。淮山舊
相識。記急處笙歌。靜裏鋒鏑。隨堤楊柳猶春色。嗟十載人事。幾番基
局。青油年少已鬢白。漫惆悵京國。朱墨。困無力。似病鶴樊籠。老驥
羈勒。夕陽不繫棲林翼。待添竹東園。種松西陌。功名休問。吾老矣。付
俊傑。

又 和清真

葉漁村 士則

大堤直。嫋嫋游雲蘸碧。蘭舟上。曾記那回。拂粉塗黃弄春色。施顰託

傾國。金縷尊前勸客。陽臺路。烟樹萬重。空有相思寄魚尺。飄零歎
萍跡。自懶展羅衾。羞對瑤席。折釵分鏡盟難食。看桃葉迎笑。柳枝垂
結。萋萋芳草暗水驛。腸斷畫闌北。寒惻。淚痕積。想柱雁塵侵。籠羽
聲寂。天涯流水情何極。悲沈約寬帶。馬融怨笛。那堪燈幌。聽夜雨。鎖
暗滴。

又 賦胡伯雨別業

劉賓王

此何夕。天水空明一碧。商量賦。如此江山。幾箇斜陽了今昔。荒臺步
晚色。沙鳥依稀曾識。啼鶻外。人遠未歸。江闊晴虹臥千尺。殘碑蘚
痕積。記當日清遊。夫君題墨。碧瑤仙去蒼雲隔。飛一鏡秋冷。列屏天
遠。雞聲人語半郊邑。寄情又江國。愁寂。怕聞笛。正怨苦溪猿。飛倦
汀翼。陰陰翡翠迷津驛。慨世事塵化。吾心形役。清吟孤往。渺醉影。夜
翠溼。

玲瓏四犯

重韻南樓用白石體賦

譚在菴

宣于明之

碧黯塞榆黃銷堤柳危闌誰料重撫才情猶未減指點驚如許當時
共伊乘誤乘字顧爲辭家怕吟鸚鵡哀哀波光悠悠雲氣陶寫幾今古
生塵每憐微步渺江空歲晚知在何處土花封玉樹恨極山陽賦
吹口扇底餘歡斷怎忘得陰移庭午離別苦那堪聽敲窗凍雨

又

劉藥房

之材賓王

幾疊雲山隔不斷闌干天外凝眺秋與愁并梧迳雨痕先表嬌夢半
握芙蓉奈曲曲翠屏深窈問愁根當年誰種漠漠淡烟衰草鴛鴦
懶拂蘋花影記眉嫵縈情多少轆轤玉虎牽絲轉聽盡秋缸曉算誰
念臥雲衣冷香壓金蟾小寫新詞先寄江鴻歸去且教知道此詞後段第五
惟第七字第六句上三字下六字第八句四字與史達祖詞同落

水調歌頭

利碧澗

登

日月換飛澗。風雨老孤松。千巖萬壑秋重。白氣接長空。一笑掀髯徐起。蒼珮腰閒相照。猶自湧晴虹。桑海幾番覆。人尙醉春風。橫白石。結綠綺。送飛鴻。十年夢事消歇。長劍吼青龍。却笑人間多事。一殼蝸涎光景。顛倒死英雄。雲日空濛裏。玉鶴任西東。

洞仙歌

全前

弄香吹粉。記前回酒困。綠露沈沈轉花影。翠簾深。隱隱紅霧依人。荷月靜。新樣雙鸞交映。如今誰念省。短雨長雲。曾託琵琶再三問。最苦綠屏孤。夜久星寒。無處頓。風流心性。又莫是、偷香寄韓郎。到漏泄春風。一枝花信。

揚州慢

和趙虛齋瓊花。

鄭覺齋

弄玉輕盈。飛瓊淡汙。襪塵步下迷樓。試新妝纔了。炷沈水香毬。記曉翦春冰馳送。金瓶露濕。綈騎星流。甚天中絕色。一作月中色被風吹夢南

州。尊前相見似羞人。蹤跡萍浮。問弄雪攀枝。無雙亭上。何日重游。
我欲纏腰騎鶴。烟霄遠。舊事悠悠。但憑闌無語。烟花三月春愁。

念奴嬌

全前

捲簾酒醒。怕無言慵理。殘妝啼粉。記綰同心雙繡帶。珠箔青樓花滿。
琢玉傳情。斷金訂約。總是愁根本。誰知薄倖。肯於長處尋短。舊日
掌上芙蓉。新來成刺。變却風流眼。自信華年風度在。未怕香紅春晚。
恩不相酬。怨難重合。往事水漸泮。分明訣絕。股釵還我一半。

洞仙歌

胡蒙泉

半欄花雨。是夜來凭處。夢過溪橋逢柳住。亂鶯聲。殘酒醒。正是關情。
山枕上。吟就回紋錦句。歸鴉應別浦。綠漲瀾茫。早近湖陰喚船路。
覽芳菲。歌窈窕。獨立莎根。剩一掬。閑情淒楚。欲待折。微馨寄相思。又
生怕相思。帶將春去。

滿庭芳

同前

愁徹檐花。吟枯硯海。日長多費茶烟。懷芳心苦。持此過年年。雨外飛紅何許。應流到。采綠洲邊。銷凝處。別離情緒。正是海棠天。吹花題葉事。如今夢裏。記得依然。料歸來。鶯居春後。燕占人先。誰念文園倦客。琴空在。懶向人彈。愁何極。楚天老月。偏是到窗前。後段第四句較他詞多二字。

驀山溪

劉藥房

醉魂離夢。捻合難成片。惡味怕黃昏。更西風。梧桐深院。蟬鬆翠嫵。記那日相逢。情纏綿。語玲瓏。人靜凌波見。香雲曾約。念阻題紅怨。應是綠窗寒。也思郎。雲衣誰換。郎今銷黯。步楚竹江空。雲縹緲。水瀾茫。不抵相思半。

又

史可堂

危欄看月。番做聽秋雨。一滴一聲愁。似相伴。離人悲苦。籠香袖冷。獨

立倚西風。紅葉落。菊花殘。都是關情處。如何排遣。賴有高陽侶。長
嘯酒壚邊。且同賦。秋娘詞句。山翁醉矣。一笛小樓空。思往事。看孤雲。
目斷征鴻去。

聲聲慢 五日

劉藥房

湘雲織玉。楚葛篝香。澡蘭簾幙風靜。怨抑難招。沈魄當年獨醒。莫唱
江南古調。念天涯、深情誰省。時暗換。最秦樓惆望。歸期無定。曾是
榴裙誤寫。怕照眼枝頭。絳綃花並。巧篆盤絲。午鏡綠窗鬢影。香蒲也
應細翦。但年年、斷雲愁冷。迎醉面。看銀蟾、飛浴露井。

又 和陸景思黃木香

羞朱妬粉。染霧裁雲。澹然蒼珮仙裳。半額蜂妝。莫道梳洗家常。碧羅
亂縈小帶。翠蛟寒、一架春香。清思苦。倚晴嬌無力。如待韓郎。密幄
籠芳吟夜。任露沾輕袖。月轉空梁。弱骨柔姿。偏解句引詩狂。遺細碎

金滿地。恨無情。風送韶光。閒晝永。看青青。垂蔓過牆。

過秦樓

曾月朋 子隆

曙色開晴。輕颺敷暖。日影才經簷角。倦來芳徑。且倚闌干。觸地新愁粘著。長日如年。可堪恨雨絲絲。夢雲漠漠。見鳴禽遞響。乳鶯梳翅。癡愁方覺。凝望處。初綠呈新。陳柯拆舊。忘了一春歸却。不傷花老。只怕花開。解使朱顏銷鑠。寶扇輕搖。亂拋花片教飛。迎風低掠。忍重攜素手。驟覺一分瘦落。

又

利碧澗

眉黛山分。靨朱星合。郁郁夜堂初見。芙蓉寄隱。荳蔻傳香。便許翠鬟偷翦。迎夜易羞。欲晨先怯。風流口口未慣。正流蘇帳掩。綠玉屏深。紅香自暖。誰信道。媚目難留。驚雲易散。從此三橋路遠。巢燕春歸。剪花詞在。難寄紅題一片。料想伊家。如今羞傍琴窗。慵題花院。但碧桃

影下。應對流紅自歎。

齊天樂

全 前

淡雲荒草秋汀暮。歸心又寒烟水。論檻移花。量船載酒。寂寞當年情味。孤蓬夜閉。聽四壁松聲。欲高還細。似近如遙。露鴻聲亂楚天外。藍橋人斷歲久。舊家曾共賞。九華花事。豔雪初融。生香自暖。消得金蓮貼地。相思破睡。謾一點琴心。暗關千里。愁怯潮生。曉帆風又起。

又 和翁時可悼故姬

曹松山 遜

翠簫聲斷青鸞翼。心期被釵誰表。夜燭銀屏。春風粉袖。猶記琵琶斜抱。瑤池路杳。恨巫女回雲。月娥沈照。謾說蓬萊。玉環花貌夢難到。巖花亭院作冷。更蛩吟風碎。鴻飛烟渺。綠玉彈碁。紅牙按拍。樂事歡情終少。劉郎未老。要鬢翼堆元。腕酥凝皓。莫忘香薦綠羅裙帶草。

前段

又

柴秋堂 登

淒淒楊柳瀟瀟雨。悄窗怎禁滴瀝。思裏傳螯。愁邊落雁。多少東吳山色。知他恨極。料爲我窗前。強鳴刀尺。竟日西風。那堪無寐更鄰笛。黃花開徧未也。花開應笑我。年少難覓。灞上長安。□□渭水。都把韶華暗擲。何人碎璧。尙衰草連天。暮烟凝碧。怕說相思。撼楓喧夜寂。

徵招 梅

李草堂

翠壺浸雪明遙夜。初疑玉虬飛動。莫弄紫簫吹。墮寒瓊驚夢。把紅爐對擁。怕清魄。不禁霜重。愛護殷勤。待長留作。道人香供。塵暗古南州。風流遠。誰尋故枝。么鳳。謾舉目銷凝。對愁雲矇矓。向霞扉月洞。且嚼蕊。細開春蘂。這奇絕。好喚蒼髯。與竹君來共。

賀新郎 憶梅

蒼辭粘溪路。悵山君。脩然羽化。夢坡何許。曾約秋雲縈客袖。舞傍吟

皋硯塢。矯清淚、裂穿雲宇。江碧空濛無處問。問孤山、梅底人知否。烟夜永、耿心語。瑤華一去成幽阻。倚修篁、抱琴愁絕。天寒日暮。城郭悲歌華表恨。此事銷凝千古。有招隱、小山能賦。蕙帳空兮誰夜怨。算課騷、讀易俱淒楚。步深窈、墮松露。

賀新郎

袁宣卿

曉色明窗綺。篆烟銷、寒生翠幄。烏啼人起。昨夜西園新雨過。細草閒花似洗。漾藍影、柳塘春水。晴晝雙飛歸來燕。正東風、緩緩臨桃李。還是醉天氣。回廊小院簾垂地。恨連天、芳草淒迷。短長亭外。愁到春來依然在。舊事還如夢裏。又生怕、人驚憔悴。何處樓頭吹羌笛。向曲中、說盡相思意。三弄罷、寸心碎。

鳴梭 自度

譚明之

織綃機上度鳴梭。年光容易過。縈縈情緒。似水烟山霧。兩相和。謾道